

ლანჩხუთის მუნიციპალიტეტის საკრებულოს  
ფრაქცია „მეტი ქალი პოლიტიკაში“

2800 ლანჩხუთი, კოსტავას 37 599480626

01/08/2016

N 418

ლანჩხუთის მუნიციპალიტეტის საკრებულოს  
თავმჯდომარეს ბატონ გიორგი ხელაძეს

ბატონო გიორგი,

გაცნობებთ, რომ მიმდინარე წლის 26 ივლისს მოწვეულ იქნა ლანჩხუთის მუნიციპალიტეტის საკრებულოს ფრაქცია "მეტი ქალი პოლიტიკაში" სხდომა.

დანართი: სხდომის ოქმი №4- 5(ხუთი) ფურცელი)

პატივისცემით,  
ნონა მურვანიძე



თავმჯდომარე

ფრაქცია "ქალები პოლიტიკაში"

**ლანჩხუთის მუნიციპალიტეტის საკრებულოს  
ფრაქცია „მეტი ქალი პოლიტიკაში“  
სხდომის ოქმი №4**

ქ.ლანჩხუთი

26.07.2016 წელი

სხდომას ესწრებოდა: ფრაქცია „მეტი ქალი პოლიტიკაში“ თავმჯდომარე ნონა მურვანიძე,  
ფრაქციის წევრი:მდივანი დარეჯან ბურჭულაძე,ომარ გოგიჩაიშვილი

მოწვეული პირი: გამგეობის ქონების მართვის,ეკონომიკისა და სოფლის მეურნეობის განვითარების სამსახურის უფროსი გიორგი ფაცურია, საფინანსო-საბიუჯეტო და მუნიციპალური შესყიდვების სამსახურის უფროსი როლანდ ლაშხია.

**ფრაქციის თავმჯდომარემ ნონა მურვანიძემ სხდომას გააცნო დღის წესრიგის პროექტი:**

1.„ლანჩხუთის მუნიციპალიტეტის ქონების საპრივატიზაციო ობიექტების ნუსხისა და ლანჩხუთის მუნიციპალიტეტის ქონების პრივატიზაციის გეგმის დამტკიცების შესახებ“ლანჩხუთის მუნიციპალიტეტის საკრებულოს 2016 წლის 27 იანვრის N8 განკარგულებაში ცვლილების შეტანის თაობაზე“ლანჩხუთის მუნიციპალიტეტის საკრებულოს განკარგულების პროექტის განხილვა.

/ მომხსენებელი ნონა მურვანიძე/

2. „ლანჩხუთის მუნიციპალიტეტის 2016 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2015 წლის 29 დეკემბრის N47 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

/ მომხსენებელი ნონა მურვანიძე/

3.ლანჩხუთის მუნიციპალიტეტის 2016 წლის ბიუჯეტის 6 თვის შესრულების ანგარიშის მოსმენის შესახებ.

/ მომხსენებელი ნონა მურვანიძე/

**დეპუტატმა დარეჯან ბურჭულაძემ აღნიშნა,რომ უმჯობესი იქნებოდა დღის წესრიგის მე-2 და მე-3 საკითხი გადატანილი ყოფილიყო პირველ საკითხად რასაც,მხარი დაუჭირა ფრაქციის წევრებმა.**

**მომხრეპ ,წინააღმდეგი არცერთი**

**დღის წესრიგის პირველი საკითხი** „ლანჩხუთის მუნიციპალიტეტის 2016 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2015 წლის 29 დეკემბრის N47 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის სხდომას გააცნო საფინანსო-საბიუჯეტო და მუნიციპალური შესყიდვების სამსახურის უფროსი როლანდ ლაშხიამ. მან აღნიშნა, რომ საქართველოს მთავრობის 2016 წლის 27 მაისის N964 განკარგულებით სტიქიის შედეგების სალიკვიდაციო ღონისძიებების განხორციელების მიზნით მუნიციპალიტეტს გამოეყო 850000 ლარი. ინფრასტრუქტურის და არქიტექტურის სამსახურის დამატებითი წერილით დაზუსტებული იქნა პროექტები და გზებისა და ხიდების რეაბილიტაციის სამუშაოებზეგანისაზღვრა 307209 ლარი, ნაპირსამაგრის მოწყობის სამუშაოებზე 542791 ლარი.საქართველოს მთავრობის 2016 წლის 7 ივლისის N1340 განკარგულებით სტიქიის შედეგების სალიკვიდაციო ღონისძიებების განხორციელების მიზნით მუნიციპალიტეტს გამოეყო 68988 ლარი ინფრასტრუქტურის სამსახურის წერილის საფუძველზე საცხოვრებელი სახლების სარეაბილიტაციოდ.

განხილული იქნა ა(ა)იპ უფასო სასაბუღალტრო წერილი და მიზანშეწონილად ჩაითვალა რომ, სუბსიდიის მუხლი შემცირდეს 200 ლარით და გაიზარდოს არაფინანსური აქტივების მუხლი 200 ლარით, ა(ა)იპ სპორტული ცენტრის წერილის საფუძველზე შემცირდა სხვა ხარჯების მუხლიდან 3200 ლარი და შესაბამისად გაიზარდოს სხვა დანარჩენი საქონელი დამომსახურების მუხლი 3200 ლარი, ა(ა)იპ სკოლამდელი საგანმანათლებლო სააღმზრდელო ცენტრის წერილის საფუძველზე შემცირდეს სუფსიდიის მუხლი 26000 ლარით და გაიზარდოს არაფინანსური აქტივების მუხლი 26000 ლარით. გამგეობის შტატით მომუშავეთა ხელფასის ფონდი შემცირდეს 22000 ლარით, გამგეობის შტატგარეშე მუშაკთა ხელფასის ფონდი 18000 ლარით, შემცირების ხარჯზე გაიზარდოს 28000 ლარით მუნიციპალიტეტის საკრებულოს შტატგარეშე მუშაკთა ანაზღაურების ფონდი და მძიმე საცხოვრებელ პირობებში მყოფი ოჯახების ერთჯერადი დახმარების პროგრამა 12000 ლარით. ინფრასტრუქტურის და არქიტექტურის სამსახურის განმარტებითი ბარათით გამოიკვეთა, რომ აუცილებლობას წარმოადგენს ცენტრალური საავადმყოფოს ეზოს მიმდებარე გზის მოწესრიგების სამუშაოების დაფინანსება 4000 ლარით, რომელიც ბიუჯეტით არ არის გათვალისწინებული. მიზანშეწონილად ჩაითვალა კეთილმოწყობის სამუშაოების დაფინანსების მიზნით შემცირდეს გამგეობის ტრანსპორტის ტექნიკის და ექსპლუატაციის მოვლა შენახვის ხარჯების მუხლი 4000 ლარით და გაიზარდოს მუნიციპალიტეტის საგზაო ინფრასტრუქტურის მშენებლობა და რეაბილიტაციისა და მოვლა შენახვის ექსპლუატაციის სამუშაოები 4000 ლარით. სოციალური სამსახურის მოხსენებითი ბარათის განხილვის შედეგად მიზანშეწონილად ჩაითვალა მრავალშვილიანი ოჯახების დახმარების პროგრამის 3000 ლარით, ხანდაზმულ (100 და მეტი წლის ასაკის) პირთა დახმარების პროგრამის 1000 ლარით, მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამის 7000 ლარით, სოციალურ- კულტურულ ღონისძიებათა პროგრამის 19000 ლარით შემცირების ხარჯზე გაიზარდოს სოციალური პროგრამების მუხლი მძიმე საცხოვრებელ პირობებში მყოფი ოჯახების ერთჯერადი დახმარების პროგრამა 30000 ლარით.

**დეპუტატი დარეჯან ბურჭულაძე** დაინტერესდა თუ რატომ აკლდება მრავალშვილიანი ოჯახების დახმარების პროგრამას 3000 ლარი და ასევე სოციალურ-კულტურულ ღონისძიებებს 7000 ლარი, როცა ბიუჯეტის დაგეგმვის დროს ამ სამსახურის მიერ მოთხოვნილი იყო ეს თანხები.

**ფრაქციის თავმჯდომარე ნონა მურვანიძე** დაინტერესდა თუ რატომ მოხდა სოციალური სამსახურის მიერ მოთხოვნილი ბიუჯეტის დამტკიცების დროს ეს თანხა, როცა ახლა 30 000 ლარი უნდა გადათამაშდეს ერთჯერადი დახმარების პროგრამაში. მისი თქმით თავის დროზე არასწორად და ბუნდოვნად იყო პროგრამები გაწერილი. ასევე მან აღნიშნა რომ სტიქიის სალიკვიდაციო თანხა არ არის სწორად გადანაწილებული სოფლებში, პროექტები არის ბუნდოვანი და ჩამოყალიბებული.

**დეპუტატმა ომარ გოგიჩაიშვილმა** აღნიშნა რომ რათქმაუნდა მისასაღმებელია თანხის გამოყოფა თუმცა თანხის გადანაწილება სწორად უნდა მოხდეს.

**ფრაქციის თავმჯდომარე ნონა მურვანიძე კენჭი უყარა განკარგულების პროექტს:**  
**მომხრე 1, წინააღმდეგი 2**

**დღის წესრიგის მეორე საკითხზე** . ლანჩხუთის მუნიციპალიტეტის 2016 წლის ბიუჯეტის 6 თვის შესრულების ანგარიშის მოსმენის შესახებ სხდომას გააცნო საფინანსო-საბიუჯეტო და მუნიციპალური შესყიდვების სამსახურის უფროსი როლანდ ლაშხიაშვილმა მან აღნიშნა რომ, მუნიციპალიტეტის ბიუჯეტში წლის პირველ ნახევარში შემოსულობებმა 7901343 ლარი შეადგინა რაც წლიური გეგმის 50,8%-ია, მათ შორის შემოსავლების საკასო შესრულება 1346077 ლარს შეადგენს წლიური გეგმის 37,4%-ი. აქედან გადასახდელების სახით ბიუჯეტში მობილიზებულია 648008 ლარი გეგმის 42,4%-ი, სხვა შემოსავლების სახით მიღებულია 385277 ლარი გეგმის 28,2%-ი, არაფინანსური აქტივების კლებიდან /გაყიდვა/ მიღებულია შემოსავალი 312792 ლარი წლიური გეგმის 44,7%-ი, გრანტის სახით მიღებულია 6555266 ლარი წლიური გეგმის 54,8%-ი, აქედან გათანაბრებითი ტრანსფერი 3547800 ლარი გეგმის 67,0%-ი, მიზნობრივი ტრანსფერი 109800 ლარი გეგმის 49,9%-ი, საქართველოს რეგიონებში განსახორციელებელი პროექტების ფონდიდან გამოყოფილი თანხები 1680136 ლარი გეგმის 48,1%-ი, სოფლის მხარდაჭერის პროგრამის 62370 ლარი გეგმის 7,7%-ი, სტიქიით მიყენებული ზიანის

სარეაბილიტაციოდ 1155160 ლარი. წლის დარჩენილ პერიოდში შემოსავლების სახით ბიუჯეტში უნდა შემოვიდეს 2251123 ლარი, სავარაუდოდ ბიუჯეტის შემოსავლებში გარღვევა მოსალოდნელია სამშემოსავლო გადასახადში 495832 ლარის ფარგლებში, ბუნებრივი რესურსებით სარგებლობისათვის მოსაკრებელში 450000 ლარი, არაფინანსური აქტივების კლებიდან /გაყიდვა/ 400000 ლარი, ანუ სულ წლიურ შემოსავლის გეგმის შესრულება სავარაუდოდ დაკლდება 1345832 ლარი. შემოსავლებისგეგმის შესრულების უზრუნველყოფისათვის გასატარებელია მთელი რიგი ღონისძიებები რათა ბიუჯეტით აღებული ვალდებულებები სრულად იქნას დაფინანსებული.

მიმდინარე წლის 6 თვეში გაიხარჯა 7895173 ლარი წლიური ხარჯის 52,4%-ი, მათშორის; შრომის ანაზღაურებაზე 951882 ლარი ფაქტიურად გაწეული ხარჯების 12,0%-ი, არაფინანსური აქტივების გარეშე 19,2%-ი, შტატგარეშე მუშაკების შრომის ანაზღაურებაზე გაიცა 71644 ლარი ხარჯების 0,9%-ი, მივლინების ხარჯებზე მიმართულია 1885 ლარი, ოფისის ხარჯებზე 131506 ლარი რაც გაწეული ხარჯების 1,7%-ია, 14894 ლარის ხარჯი გაწეულია წარმომადგენლობით ხარჯებზე, გრანტის სახით ჩარიცხულია 431000 ლარი ხარჯების 5,5%-ი, 2571 ლარის რბილი ინვენტარი იქნა შეძენილი, ტრანსპორტის ექსპლუატაციის ხარჯზე მიმართულია 56843 ლარი გაწეული ხარჯების 0,7%-ი, სხვა საქონელი და მომსახურების მუხლით გახარჯულია 155708 ლარი ხარჯების 2,0%-ი, არაფინანსური აქტივების ზრდაზე (ინფრასტრუქტურული ობიექტები) 2888660 ლარი საკასო ხარჯების 36,6%-ი, სუბსიდირებით გაიცა 2403320 ლარი ხარჯების 30,4%-ი, სოციალური უზრუნველყოფის მიმართულებით გაიხარჯა 148433 ლარი ხარჯების 1,9 %-ი, სხვა ხარჯების მუხლით გაწეულია 4760 ლარის ხარჯი, ვალდებულების კლებაში /წინა პერიოდის დავალიანება/ მიმართულია 579476 ლარი აქედან ა(ა)იპ ტექ-სერვისის 6711 ლარი, ა(ა)იპ საფეხბურთო კლუბი გურიას 518107 ლარი, ინფრასტრუქტურული ობიექტების დაფინანსება 54053 ლარი.

მუნიციპალიტეტის 2016 წლის ადგილობრივი ბიუჯეტით დაფინანსებული შესყიდვების გეგმის ჯამი შეადგენს 670 480 ლარს, ცენტრალური ბიუჯეტით დაფინანსებული შესყიდვების გეგმის ჯამი შეადგენს 6 444 479 ლარს. მოქმედი კანონმდებლობის შესაბამისად, მონეტარული ზღვარის გათვალისწინებით 6 თვის განმავლობაში სულ გამოცხადებული იქნა 41 ტენდერი, არ შემდგარი ტენდერების რაოდენობა შეადგენს 3, უარყოფითი შედეგით დასრულდა სამი ტენდერი. ტენდერების შედეგად მიღებული იქნა 583128 ლარის ეკონომია. ინფორმაცია ტენდერების შესახებ ასახულია დანართი №1-ში. ტენდერის საშუალებით გაფორმებული იქნა 26 ხელშეკრულება. სულ ექვსი თვის განმავლობაში განყოფილების მიერ გაფორმებული იქნა 142 ხელშეკრულება.

საქართველოს მთავრობის 2016 წლის 4 თებერვლის N175 განკარგულების შესაბამისად საქართველოს რეგიონებში განსახორციელებელი პროექტების ფონდიდან სამუშაოების შესრულების მიზნით ამავე განკარგულებით გამოყოფილია 3491156 ლარი. ელექტრონული ტენდერის შედეგად გაფორმებული იქნა ხელშეკრულებები და მიმდინარეობს სამუშაოები. აღნიშნული სამუშაოების ჩასატარებლად ადგილობრივი ბიუჯეტიდან განხორციელდა თანადაფინანსება 130000 ლარის ოდენობით. ინფორმაცია სამუშაოების მიმდინარეობის შესახებ ასახულია დანართი N2-ში.

საქართველოს მთავრობის 2016 წლის 19 თებერვლის N265 განკარგულების შესაბამისად სოფლის მხარდაჭერის პროგრამის ფარგლებში ლანჩხუთის მუნიციპალიტეტისათვის გამოიყო 806256 ლარი. გამოყოფილი თანხიდან 50000 ლარის ოდენობით განხორციელდა რგფ-ის პროექტების თანადაფინანსება. დარჩენილი თანხა განაწილებული იქნა სოფლის მოსახლეობასთან შეხვედრებზე დასმული პრობლემების გათვალისწინებით. გამოყოფილი თანხით სულ სოფლებში დაფინანსდება 76 პროექტი. ინფორმაცია სოფლის მხარდაჭერის პროგრამის სამუშაოების შესახებ ასახულია დანართი N3-ში.

საქართველოს მთავრობის 2016 წლის 27 მაისის N964 განკარგულებით სტიქიის შედეგების სალიკვიდაციოდ ლანჩხუთის მუნიციპალიტეტს გამოეყო 850000 ლარი. სამუშაოების შესყიდვის მიზნით გამოცხადებულია ელექტრონული ტენდერი.

2016 წლის 1 ივლისისათვის ჩვენი განყოფილების მიერ ხორციელდებოდა დებულებით გათვალისწინებული ყველა ფუნქცია. განყოფილებაში შემავალ თანამშრომელზე გადანაწილებული იყო განყოფილების მიერ შესასრულებელი ყველა ფუნქცია. ყოველდღიურად ხორციელდება:

შემოსავლებისა და ხარჯების ყოველდღიური აღრიცხვა, ლანჩხუთის მუნიციპალიტეტის სამსახურების მუშა-მოსამსახურეთა ხელფასების, პრემიების, სამივლინებო თანხების დარიცხვა და საბანკო ანგარიშებზე თავისდროულად ჩარიცხვა, საშემოსავლო გადასახადების ანგარიშების შედგენა და დადგენილ ვადაში საგადასახადო ინსპექციაში წარდგენა, მუნიციპალიტეტში წარმოდგენილი ანგარიშების შესაბამისად კომუნალური და სხვა გასაცემი თანხების მომწოდებლებზე თავისდროულად გადარიცხვა, მისაწოდებელი და მიწოდებული საქონლის, სამუშაოების, მომსახურების მოცულობის, ხარისხისა და მიწოდების ვადების სახელმწიფო შესყიდვის შესახებ ხელშეკრულების მოთხოვნებთან შესაბამისობის დადგენის შემდეგ და შესაბამისი ინსპექტირების ჯგუფის დასკვნით, გაფორმებული მიღება-ჩაბარების აქტების საფუძველზე მომწოდებელზე თანხის ჩარიცხვა, ბუღალტრული დოკუმენტების, აღრიცხვის რეგისტრების, ხარჯთანუსხების, მათი გაანგარიშებების და სხვა საბუთების შენახვაზე კონტროლი და დადგენილი წესით მათი გაარქივება, ბიუჯეტის შემოსავლების და გადასახდელების ყოველდღიური აღრიცხვა, რითვისაც ყოველდღიურად ვამუშავებდით ხაზინიდან მიღებულ ამონაწერს (ავიზოს), ვუზრუნველყოფდით ლანჩხუთის მუნიციპალიტეტის ბიუჯეტში ზედმეტად ან შეცდომით გადახდილი თანხების დადგენილი წესით დაბრუნებას, ლანჩხუთის მუნიციპალიტეტის ბიუჯეტის დაფინანსებაზე მყოფი მხარჯავი დაწესებულებებიდან საბიუჯეტო სახსრების ხარჯვის ანგარიშების (ბუღალტრული ბალანსების) მიღებას, შემოწმებას და ანალიზს, წარმოდგენილი ფაქტობრივად გაწეული ხარჯვის დამადასტურებელი დოკუმენტის (მიღება-ჩაბარების აქტი, ანგარიშ-ფაქტურა და სხვა) საფუძველზე საგადახდო დავალების მომზადებას გადახდის განსახორციელებლად. ხდებოდა მეთოდოლოგიური დახმარების გაწევა და კონტროლის განხორციელება საბიუჯეტო დაწესებულებებსა და მუნიციპალიტეტის გამგეობისა და საკრებულოს მიერ დაფუძნებული საწარმოებებსა და დაწესებულებების საბუღალტრო აღრიცხვა-ანგარიშების და მათთვის ბიუჯეტით გამოყოფილი სახსრების ხარჯვის დროს კანონმდებლობით დადგენილი პროცედურების სწორად განხორციელების საკითხებზე.

2016 წლის 1 ივლისისათვის ბუღალტრული აღრიცხვა-ანგარიშების განყოფილების მიერ მიღებულია მუნიციპალიტეტის მიერ დაფუძნებული თერთმეტი არასამეწარმეო(არაკომერციული) იურიდიული პირის მიერ წარმოდგენილი ყოველთვიური ანგარიშების ფორმები, სულ ჯამში 61 ცალი ყოველთვიური ანგარიშის ფორმა და შპს „ლანჩხუთი“-ს მიერ წარმოდგენილი 3 ცალი ყოველთვიური ანგარიშის ფორმა. აღნიშნული ფორმები შედარებული იქნა ა(ა)იპ-ების და შპს მიერ წარმოდგენილ წლიურ ხარჯთაღრიცხვებთან და მათ მიერ გაწეულ ხარჯებთან. ასევე 2016 წელს მიღებული იქნა 3 ცალი კვარტლური ანგარიშის ფორმა. ამჟამად მიმდინარეობს მუშაობა 2016 წლის I-II კვარტლების ბალანსების მიღება-დამუშავებაზე. განყოფილების მიერ ხდებოდა ლანჩხუთის მუნიციპალიტეტის ბალანსზე არსებული და ხელშეკრულებით აყვანილი სატრანსპორტო საშუალებებზე საწვავ-საცხები მასალების მიღება-გაცემასა და ხარჯვაზე კონტროლი, სადაც საწვავის ჩამოწერა ხორციელდებოდა წარმოდგენილი გარბენილი კილომეტრების მიხედვით.

**დეპუტატმა დარეჯან ბურჭულაძემ** აღნიშნა რომ, დაახლოებით 2 თვეში ააიპების ბიუჯეტები გახდება დეფიციტური და უკვე საარჩევნო პერიოდი იქნება მოახლოებული, ცვლილება ბიუჯეტში ვერ შევა და დაინტერესდა რა გამოსავალი აქვს საფინანსო საბიუჯეტო სამსახურს ამ თემასთან დაკავშირებით.

**ფრაქციის თავმჯდომარე ნონა მურვანიძემ** კითხვით მიმართა საფინანსო-საბიუჯეტო და მუნიციპალური შესყიდვების სამსახურის უფროსს როლანდ ლაშხიას, საპრივატიზაციო ობიექტების რეალიზაციის კუთხით ელოდებიან თუ არა ბიუჯეტის შესრულების ზრდას და ასევე ინერტული მასალის შემოსავლების მხრიდან, რათა შემდგომ გაიზარდოს შესრულების ანგარიშს პროცენტულობა.

**ფრაქციის თავმჯდომარე ნონა მურვანიძე კენჭი უყარა განკარგულების პროექტს: მომხრე 1 ,წინააღმდეგი 2**



წესრიგის მესამე საკითხზე: "ლანჩხუთის მუნიციპალიტეტის ქონების საპრივატიზაციო ობიექტების ნუსხისა და ლანჩხუთის მუნიციპალიტეტის ქონების პრივატიზაციის გეგმის დამტკიცების შესახებ" ლანჩხუთის მუნიციპალიტეტის საკრებულოს 2016 წლის 27 იანვრის N8 განკარგულებაში ცვლილების შეტანის თაობაზე" ლანჩხუთის მუნიციპალიტეტის საკრებულოს განკარგულების პროექტი სხდომას გააცნო გამგობის ქონების მართვის, ეკონომიკისა და სოფლის მეურნეობის განვითარების სამსახურის უფროსმა გიორგი ფაცურამ მან განმარტა რომ, საპრივატიზაციო გეგმასა და ნუსხაში უნდა მოხდეს ცვლილება. ლანჩხუთის მუნიციპალიტეტის ქონების საპრივატიზაციო ობიექტების ნუსხისა და ლანჩხუთის მუნიციპალიტეტის ქონების პრივატიზაციის გეგმისათვის ცვლილება განპირობებულია ნუსხასა და გეგმაში ასახული რამოდენიმე ობიექტების პრივატიზირების და საპრივატიზაციო ნუსხასა და გეგმაში რამდენიმე ახალი ობიექტის დამატების გამო კერძოდ: ლესის ადმინისტრაციულ ერთეულში არსებული შენობა-ნაგებობა (27.10.44.224) მიწის ფართი 1523კვ და შენობის ფართი 807,5კვ.მ

ფრაქციის თავმჯდომარემ ნონა მურვანიძე კენჭი უყარა განკარგულების პროექტს: მომხრე 3, წინააღმდეგი არცერთი.

### სხვადასხვა

დეპუტატმა დარეჯან ბურჭულაძემ დასვა საკითხი კვირკველიას ქუჩის მრავალბინიანი საცხოვრებელი 12ბ ბინის ქვეშ დაზიანებული მილის შესახებ, რომელიც ჩაედინება საცხოვრებელი სახლის საძირკველში, არის ანტისანიტარია და საშიშროება საძირკველის დაზიანების. ასევე დუმბაძის ქუჩაზე დაყრილი ხრეშის შესახებ, რომელიც მისი თქმით ნამდვილად არ შეესაბამება იმ სამშენებლო მასალას, რომელიც ქუჩაზე უნდა დაიყაროს გზის გასასწორებლად.


დეპუტატმა ომარ გოგიჩაიშვილმა აღნიშნა რომ, სოფელ ჯუნეწერში სანიაღვრე არხის გაკეთების დროს დაზიანდა ახალი წყლის გაყვანილობა და მიტოვებულია ეს სამუშაოები, მისი თქმით უნდა დაინტერესდეს შესაბამისი სამსახური იქ არსებული მდგომარეობით.

ფრაქციის თავმჯდომარე ნონა მურვანიძე დაინტერესდა სტიქიის სალიკვიდაციო თანხის რა ნაწილი იხარჯება აკეთის გზის მოსაწესრიგებლად და კონკრეტულად, რომელ სოფელში რა ღირებულების პროექტი კეთდება სტიქიის სალიკვიდაციო 1652300 ლარით.

დეპუტატი დარეჯან ბურჭულაძე ითხოვს გრიგოლეთის გარე განათების პროექტს.

ამით ფრაქციის სხდომამ მუშაობა დაასრულა.



ლანჩხუთის მუნიციპალიტეტის საკრებულოს  
ფრაქცია „მეტი ქალი პოლიტიკაში“  
თავმჯდომარე:



ნონა მურვანიძე

ლანჩხუთის მუნიციპალიტეტის საკრებულოს ფრაქცია "მეტი ქალი პოლიტიკაში" წევრთა  
დასწრების სარეგისტრაციო ფურცელი

26 ივლისი 2016 წელი  
16.00 საათი

№	სახელი, გვარი	გამოცხადების დრო	ხელმოწერა
1	ნონა მურვანიძე	15-50	
2	დარეჯან ბურჭულაძე	15-55	
3	ელისო ჭიჭინაძე		
4	ომარ გოგიჩაიშვილი	15-50	